



Zürcher Stillstandsprotokolle des 17. Jahrhunderts online

<http://www.staatsarchiv.zh.ch/query>

Signatur **StAZH TAI 1.43; ERKGA Ossingen, IV A 2
(S. 1–18)**

Titel **Ossingen (Stillstand): Titel und Vorrede**

Datum 1637

[S. 1] [Hand Felix Wyss]

Acta matrimonialia et consistorialia in singulos menses pro ecclesia Ossingana.

Dominis pastoribus ecclesiae Ossinganæ præsentis et futuris salutem.

Bipartitus esse debet ex venerabilis et ampliss[imæ] synodi decreto liber iste. Pars prior contineat acta matrimonialia, h[oc] e[st] ea, quæ pastor loci in rebus matrimonialibus cum iuratis suis vel ipse componit vel ad forum matrimoniale Tigurinum perscribit, inserta scil[icet] epistola sua ad dictum ven[erabile] consistorium perscripta, itemque responsoria a foro matrimoniali obtenta.

Posterior pars complectatur acta presbyterialia, h[oc] e[st] ea, quæ prima cuius vis mensis dominica, qua viri iurati communitatum præfecti ex lege magistratus post concionem in templo conveniunt, inter pastorem et dictos iuratos aguntur. Pastor ea in ipso presbyterio vel memoria teneat vel parcissimis pro memoriali consignet. Domum vero ubi venerit, manu diligenti et pura in codicem istum perscribat, mentione facta diei, quo presbyterium celebratum, et quid a senioribus circa ædificationem ecclesiae et morum disciplinam propositum, quo pacto insuper rebus propositis consultum fuerit. Habebit id usum et apud vos et successores vestros non levem. Cavete vero, dilectissimi in domino fratres, quam maxime, ne vestra vel socordia vel imprudentia utilissimum illud opus et vobis ipsis et populo fiat exosum aut ædificationis quæsitæ loco enormis sequetur confusio. Consignatio ista fiat mere pro vobis, non pro aliis. Manus peregrinus ne incurrat. Imprimis auditoribus vestris exacte haud innotescat, talia ista a vobis consignari. Purtarent enim fieri ista in opprobrium suum, et iurati isti redderentur quali exosi et muti, nolentes ea prodere, quæ sibi suisque certissime invidiam crearent. Quod si etiam in aliquo casu speciali metuendum, posse eius consignationem alicui vel homini vel familiæ præiudiciosam esse, id per circumscriptionem aliquam, stylo latino vel mixto, consignet pastor, ut mentem vestram e plebe assequi possit nemo. Indignationem porro divinam incurrere se novit // *[S. 2]* certo is, cui ex animo erga antecessorem suum minus benevolo invidiam ex libro isto ipsi creare apud populum volupe erit.

Valete, et domini opus ut fideliter, ita quam prudentissime promovete.

Felix Wissius, ecclesiae Steinensis pastor et capituli decanus. 10. octobr[is] 1637.



[S. 3–16: Pfarrherrliche Notizen Ende 18. Jh.]

[S. 17–18: Leer]

[Transkript: BF/20.05.2012]